

**ԳԱՐԵԳԻՆ Բ ՆԱՅՐԱՊԵՏԻ ԳՈՆԱԲԱՆԱԿԱՆ
ՔԱՐՈԶԸ ԿԱԹՈՂԻԿՈՍԱԿԱՆ ՉԵՌՆԱԴՐՈՒԹՅԱՆ
ԵՎ ՕԾՄԱՆ ՍՐԲԱԶԱՆ ԱՐԱՐՈՂՈՒԹՅԱՆ
ԺԱՄԱՆԱԿ**

(4 նոյեմբեր, 1999 թ.)

«Յանուն Տօր և Որդւոյ և Տոգւոյն Սրբոյ»:

*«Այլ ինձ քաւ լիցի պարծել, քայց միայն ի խաչն Տեառն մերոյ
Յիսուսի Քրիստոսի» /ԳԱՂ. Զ 14 /:*

Գոհութիւն և փառք Քեզ, Տէր, Մայր Տաճարի՝ աղոթքով ու լույսով ողորկած Ավագ Խորանի վրա Քո կամքով և ընտրությամբ ժողովրդիս, այսօր՝ Խաչի կիրակիների շարքում Սուրբ Նայրապետների հիշատակի օրը, հոգևոր իմ եղբայրների՝ Մեծի Տանն Կիլիկիո Արամ Ա Կաթողիկոսի, Երուսաղեմի և Կոստանդնուպոլսո Նայոց Ամենապարիվ Սրբազան Պապ-րիարքների և Գերաշնորհ արքեպիսկոպոսների ձեռնադրությամբ և օծմամբ, ահա իշխանությունն սրացա առաջին սպասավորը լինելու Առաքելական մեր Մայր Եկեղեցու՝ որպէս Ամենայն Նայոց Կաթողիկոս, որպէս Լուսավորչի Աթոռի 132-րդ գահակալ: Նովվապետի դժվարին առաքելությունը սրանձնեցի Աստուծո և ժողովրդիս կամքին խոնարհվելով, Նայրենիքիս, ժողովրդիս ու Աստուծո առաջ պարտքս ամբողջապէս հապուցելու գիտակցությամբ: Ծառայությանս ուխտի նորոգման այս պահին վերստին գոհութիւն և փառք եմ մաքուցում Բարձրալին, **«որ գորացրեց ինձ մեր Տէր Նիսուս Քրիստոսով, որ հավաքարիմ համարեց ինձ այս սպասավորությանը կարգելու»** /Ա ՏԻՄ. Ա 12/:

Քո Եկեղեցուն և Քո ժողովրդին ծառայելու նորոգ ուխտիս մեջ արիացրու ինձ, Տէր, և ապավեն եղիր, քուր շնորհը՝ բարձրացնելու ինձ վստահված խաչը, կրելու հանուն Քո խաչի բազմիցս խաչված, խաչով հաղթանակած հոյիդ առաջնորդության պարասխանապովությունը: Գիտեմ ծանրությունը Քո խաչի, գիտեմ և գորությունը նրա: Եվ **«ինձ քաւ լիցի պարծել, քայց միայն ի խաչն Տեառն մերոյ Յիսուսի Քրիստոսի»:**

Միեւի հավաքացյալ հայորդիք, ներեկեղեցական և ներազգային բազում խնդիրներ ունենք՝ ինչպէս պարմական՝ անցյալից ժառանգած, այնպէս և ներկա՝ անկախ պետականության կերպման ճանապարհին: Չեմ երկնչում, որքան էլ բարդ ու դժվարին և խորարմար են կուրակված այդ խնդիրները հայրենական մեր կյանքում, քանզի Նարուցյալ Տէրն է իմ հույսը և հայրերիս Աստվածն է իմ ապավենը, և ի սեր Քրիստոսի, գործակից ունեմ առավել փորձառու իմ հոգևոր եղբայրներին, Առաքելական մեր Սուրբ

Եկեղեցու նվիրապետական Աթոռների գահակալներին, թեմակալ ջանադիր առաջնորդներին, հավաքավոր ողջ հոգևոր դասը, որոնց հետ միասնաբար պիտի հաղթահարենք բոլոր դժվարությունները, հարթենք բոլոր խոչընդոտները, վերապրեցնենք մեր Եկեղեցին իր մշտական ներկայությամբ մեր ժողովրդի կյանքում, որպեսզի այն, կարող յուրացնելու դարաշրջանի ոգին և զարգացման օրինաչափությունները, ընթանա ժամանակին համաքայլ, իր ներգործությամբ ժամանակը պայմանավորող:

Արդարև, չեմ երկնչում, քանզի Նայ Եկեղեցին այլևս միայնակ չէ իր ժողովրդի առաջնորդության պարասխանապվության մեջ, ինչպես եղել է դարեր շարունակ: Այսօր մեզ հետ է Նայրենի անկախ մեր պետությունը՝ մաքառման և ինքնհասարարման իննամյա գոյությամբ: Թող Աստված սիրով միաբան պահի ազգը և անսասան՝ պետությունն հայոց: Ունենք և գորացնելու ենք Եկեղեցի և պետություն համագործակցությունը, որը, պարմությամբ է փաստված, միշտ հայրենաշեն է, միշտ ազգաշահ:

Խաչի մի նոր ճանապարհ անցանք ազգովի վերջին օրերս: Նեղվեց անմեղ արյունը Նայաստանի Նանրապետության պետական անվանի այրերի: Նանգուցյալների լույս հիշարակին աղոթք մաքուցելով՝ բյուր փառք ենք վերառաքում առ Աստված, որ բազմաչարչար մեր ժողովուրդը խոհեմությամբ հաղթահարեց փորձությունը, շրջանցեց խաչի փրկագնով ձեռք բերված մեր անկախությանը և հայրենի մեր պետականությանը սպառնացող վրանգը: Այսօր ուրախ ենք ողջունելու ներկայությունը պետական այրերի՝ գլխավորությամբ Նայաստանի Նանրապետության նախագահ Ռոբերտ Քոչարյանի, Նայաստանի նորընտիր վարչապետ Արամ Սարգսյանի: Աղոթք առ Աստված բարձրացնելով վասն արի ժողովրդին և պետությանը Արցախ աշխարհի, սրբի ուրախությամբ ողջունում ենք ներկայությունը Արցախի Նանրապետության նախագահ Կարա Արկադի Ղուկասյանի և Ազգային Ժողովի նախագահ Օլեգ Եսայանի:

Արդարև, չեմ երկյուղում, որքան էլ մարտահրավերներ կան մեր առջև, չեմ երկյուղում նաև այն վստահությամբ, որ ժողովուրդները երբորդ հազարամյակ են մտնում համընդհանուր փոխհամաձայնությամբ և համագործակցության առաջնորդող առողջ գիտակցությամբ, որպեսզի նոր դարաշրջանում հաղթահարվեն ողբերգություններն ու աղետները, պարելազմներն ու ավերածությունները և մշտամնա լինի խաղաղությունը: Գոպեպինդ եմ, քանզի այսօր մեր ժողովրդի, Նայ Եկեղեցու ու Նայաստանի Նանրապետության կողքին են քրիստոնեական բոլոր Եկեղեցիները, ինչպես նաև բարեկամ պետությունները՝ նախանձախնդիր խաղաղության պահնան, ժողովուրդների բարեկամության ամրապնդման առաքելության մեջ: Արդարև, **«Զի՛ բարի կամ զի՛ վայելուչ, զի բնական եղբարք ի միասին»** /ՍԱՂՄ. ՃԼԲ 1/: Զերմորեն ողջունում եմ բոլոր Եկեղեցիների և եղբայրական պետությունների ներկայացուցիչներին, որ այսօր, երբ Լուսավորչի գահից բարձրացվում է սգո բողբ, ներկա են և մասնակից աշխարհասփյուռ մեր ժողովրդի բերկրանքին ու խնդությանը:

Առավել աներկյուղ եմ, քանզի գորակից է մեզ Քրիստոսի հաղթական Եկեղեցին, հայոց նվիրյալ բոլոր 131 Նայրապետները, ովքեր իրենց գործերով ու ապրած կյանքով հավաքարմորեն պահել են «Ժամադրութիւնը

Յիսուսի հետ» և մեզ ավանդել առաքելակերպ ու լուսավորչապասակ Նայ Եկեղեցին: Բյուր օրհնություն նրանց լույս հիշադրակին: Որդիական սիրո խոնարհում շիրիմներին մեր նախորդ երկու Նայրապետների՝ երջանկա-հիշադրակ Վազգեն Ա Շինարար Նայրապետի և Գարեգին Ա Ամենայն Նայոց վաստակաշատ Կաթողիկոսի, որոնց հոգեգավակն եմ ու երախտընկալը: Մեր Նայրերի նվիրական ներկայությունը խնկաբույր այս Խորանի վրա երիցս առավել աներկյուղ է դարձնում ինձ և վստահություն ներշնչում Առաքյալի համարձակությամբ ասելու. **«Եթե Աստված ի մեր կոյս է, ո՛վ իցե մեզ հակառակ»** /ՆՌՈՄ. Ը 31/: Եթե Աստված մեր կողմն է, ո՛վ կարող է մեզ հակառակ լինել:

Բոլոր փարակույսներս ու երկյուղներս փարաքվում են, քանզի **«Դու ես Տէր, յոյս իմ ի մանկութենէ իմմէ: Դու ես ապաւէն իմ, և առ ի քէն է օգնութիւն իմ յամենայն ժամ»** /ՍԱՂՄ. Ն 5-6/ և կենարար խաչդ է ինձ առաջնորդ:

Քրիստոսի Խաչը, սիրելիներ մեր, 2000 փարի կենաց ճանապարհով դեպի Աստված է առաջնորդում մեր ժողովրդին, իսկ 1700 փարիներ առաջ ամպշող երևաց հայոց երկնականարում, երբ Տերն արժանի գրավ մեր հողն Իր ուրբի հայումին և հայրնվեց Լուսավորիչ մեծ Նայրապետին՝ մեր առաջին Կաթողիկոս Սուրբ Գրիգորին: Այն օրից, ինչպես մեր մեծ վարդապետներից մեկն է ասում. **«Զի որպէս մի է Նայրն մեր և զամենայն բարիս յանձն իր փապարեաց, նոյնպէս մի է և միակրօն ազգն հայոց, և ամենայն գերազանց պարգևօք մեծարեալ»** (Նովհաննես Երզնկացի):

Արդարև, Տիրոջ Առաքյալների և Իր ընտրյալների ուրնահետքերով որդեգրելով Խաչի լուսեղեն ճանապարհը՝ բազում պարգևների արժանացանք՝ ազատության, արդարության, բարության ու ճշմարտության շնորհներով փրկության առաջնորդվելով, կերպեցինք ինքնության մեր դիմագիծը որպէս ազգ և որպէս Եկեղեցի: Դեպի Աստված մեր ընթացքի մեջ հայրենյաց մեր սուրբ հողին խաչքար, վանք ու եկեղեցի շնչավորեցինք, ծաղկող գրչով մարտան երկնեցինք և սերունդներին ավանդեցինք խորհուրդը **«մահ իմացեալ»**-ի՝ խաչի լուսաբաղձ հավաքը կենսավորելով որպէս հաղթություն, որպէս կյանք իմացյալ:

Ավարտվում է 20-րդ դարը, որ հայության կյանքում սկսվեց եղեռնով՝ մեր պարմական Նայրենիքից աշխարհի բոլոր կողմերը սփռելով մեր ժողովրդի գավակներին՝ այդ հողի բնիկ Գրիգորին: Քաղաքակրթության նվաճումներով ավարտվող դարը, սակայն, փակավին չի արձանագրել հայոց եղեռնը՝ դադարապարտող համամարդկային արդարությունը:

Գոհություն Երկնավորին, այսօր հայությունը շարկել է կացնահար մեջքը և բազմաճյուղ փարածել սաղարթը կենաց իր ծառի՝ դարն ավարտելով եռագույնի նոր ծածանումով Նայաստանում և Արցախում:

Այո, նորոգ է այսօր Նարության հույսին խարսխված մեր հավաքը: Նամայն քրիստոնյա աշխարհի հետ մենք ևս, որպէս Քրիստոսի ժողովուրդ ու Եկեղեցի, փոնախմբելու ենք Աստվածհայրնության 2000-ամյան և հայոց մեծ դարձի՝ Նայաստանում քրիստոնեությունը պետականորեն ճանաչման 1700-ամյան, որ բացառիկ առիթ է, եզակի հնարավորություն ու ներշնչման աղբյուր՝ համախմբելու համագգային նպատակների շուրջ, լինելու

նորոգյալ Եկեղեցի. «**Ահաասիկ ժամանակ ընդունելի**»: Խաչի սիրո, Խաչի զոհողության, Խաչով հաղթության խորհրդով հոգենորոգ ու միաբան՝ պիպի հասարարենք հավաքավոր մեր կամքն ու աներեր վստահությունը՝ կերպելու բարգավաճ, շեն ու բարօր Նայրենիք, ընձյուղելու գալիքին վստահորեն նայող սերունդ և դառնալու բարեկարգ ու բարեշեն Եկեղեցի:

Արդ, սիրելի հավաքացյալ ժողովուրդ հայոց, եկեք մեր Նայրերի օրինակով հանապազօր, տյառնագրենք մեր անձերը, վերադարձնենք մեր հարկերից ներս աղոթքը ծնրադիր, որպեսզի հառնի, բարձրանա մեր հոգիներում Տիրոջ կենարար Սուրբ Խաչը, որպեսզի Տերը խաղաղության մեջ ապահով պահի հինավուրց երկիրը և պետությունը Արցախ աշխարհի և անվրդով ու խաղաղ՝ Նայաստանի նորանկախ Նանրապետությունը, և սիրով՝ միաբան մեր ժողովրդին, որպեսզի օրինյալ լինի մեր ընթացքը ժողովուրդների բազմընթաց երթի մեջ՝ դեպի համագործակցության, բարօրության ու երջանկության հանգրվան: Թող Ամենախնամ Աստված հասարարուն ու անսասան պահի Առաքելական մեր Մայր Եկեղեցին, Նայրապետությունն Նայոց ի Մայր Աթոռ Սուրբ Էջմիածին, թող ծաղկյալ ու բարեշեն պահի Մեծի Տանն Կիլիկիո Կաթողիկոսությունը, Երուսաղեմի և Կոստանդնուպոլսո նվիրապետական Աթոռները, Նայ Եկեղեցու բոլոր թեմերը: Թող Ամենախնամ Աստված Իր Ամենագոր Աջով մարտակից և զորավիգ լինի մեր ողջ հոգևոր դասին՝ Աստծուն, Նայրենիքին ու սիրեցյալ մեր ժողովրդին ի Սփյուռս աշխարհի, իր անսակարկ սպասավորության մեջ:

Կենարար Քո Խաչի խորհրդով, Ով Տեր, նաև ինձ գորացրու և արժանի արա Նույսի, Սիրո, Նարության ճանապարհի անձանձիր ճամփորդը լինելու Եկեղեցուդ սպասավորության և «փոքր ածու»-իդ առաջնորդության մեջ, և թող միշտ ինձ հետ լինի իմաստության և ճշմարտության Նոգիդ, որպեսզի **«ինձ քալ լիցի պարծել բայց միայն ի խաչն Տեառն մերոյ Յիսուսի Քրիստոսի»:**

«Շնորհք, սէր և խաղաղութիւն եղիցին ընդ ձեզ և ընդ ամենեսեանս».
Ամեն: